

苗怨敵徒的音寬下城漸下七城下坑也反裸玄瓦反體也赤賑給財物濟貧曰饋饋蓋上自陵名也問訊亦作音信蔽必祭反嶮澗溪音溝壑下呼各反蠱道毒害人也頃頃領逼彼力鎖鎖字慳悒下反惜反漂流苗反螫音釋又毒也奄蔽掩下必

祭掉徒吊反摩醯雞下呼記荊下并闕昌六反囉力加反又鞞步迷躐竹利隸零帝爾乃禮企丘智反闍他達叔一口加反頰馬割闕頰啣二字音羨正作羨陸埗下丁堯奴侯反

佛說大方廣十輪經卷第二 吊三

失譯今附北涼錄

諸天女問四大相品第二

今時地藏菩薩廣說如是大記荊經時佉羅提耶山六種震動一切音樂不鼓自鳴雨眾寶華一切大眾皆悉戰慄生希有想今時功

德天女功德樂天女劬音聲天女堅固地神天未曾有天大光明天如是等天以為上首與一萬八千及餘大自在鬼神從座而起合掌向佛白佛言希有世尊希有善逝我等雖於四大得自在力而不能知四大根本初中後相起滅因緣不識怨憎不知是善不善乃至親友若善男子得是甚深般若波羅蜜能善分別如是四大初中後相知諸生滅佛言如是如是天女此善男子得甚深般若波羅蜜善知四大初中後者譬如善神有如意珠能雨種種無量寶雨有大利益如是善天此善男子復能雨於種種覺意無量諸寶皆悉徧施一切眾生譬如寶渚能出無量若干種寶是善男子滿足種種覺意等寶亦復如是譬如波利質多羅樹華初開時光色妙好如是善男子以無量佛法而自莊嚴亦復如是如師子王於一切眾生中無能驚者如是善男子於諸眾中亦復如是得無所畏譬如日

出滅一切闇如是善男子能除眾生一切諂曲結使之闇亦復如是譬如明月照四天下能令迷者還得正道如是善男子能令未入三乘迷於生死曠野道者皆使迴向得其正道安住三乘譬如大地百穀種子及諸藥木一切眾生悉依增長如是善男子一切助道

諸餘善法皆因增長譬如須彌山王能善堅固安住一切令無增減如是善男子安住佛法而不捨於一切眾生善根堅固無有缺減不令漏失譬如虛空一切眾生行住出入依止而住如是善男子一切眾生亦皆依止增長一切無量功德亦時一切大眾聞是地藏

菩薩名号生希有心得未曾有恭敬尊重皆大歡喜皆悉諦觀地藏菩薩目不暫捨亦時世尊欲重宣此義而說偈言

頭陀功德盡和合 諸聲聞眾無異相  
 地藏菩薩真大士 為禮世尊而來此  
 度三惡趣諸苦惱 為禮世尊而來此

吊二

諸天普雨無量種 而諦觀察於四方  
 合掌一心向於佛 我今欲見此大眾  
 一切福田最廣大 世尊神通光明照  
 諸來大眾最勇猛 伏藏七寶滿足施  
 種子即是大菩薩 此主能生佛法寶  
 大悲體性甚聰哲 亦能救度諸怖畏  
 能生善根如大地 為大施王解脫寶  
 如蓋普覆煩惱熱 於一食頃贊地藏  
 如諸智者無量德 煩惱繫縛諸眾生

皆為供養世尊故 離垢照明天帝釋  
 皆欲勸請於世尊 摩尼寶珠出光明  
 悉見光明而普照 今為誰故而顯現  
 地藏至此真佛子 佛藏珍寶是無畏  
 一切眾生之實主 大功德海而精進  
 能救一切眾生苦 譬如明月示正道

亦如金剛摧諸結 漂諸煩惱如大水  
 亦如良醫除眾病 過諸菩薩百億劫  
 是故地藏大名稱 皆令遠離得解脫

得首楞嚴大三昧  
十二因緣悉清淨  
無量佛國諸衆生  
而於一切四禪中  
能令衆生入三昧  
衆生過去惡業故

吊二

於此世間受苦惱  
一切六道諸衆生  
當悉歸命於地藏  
衆生輪轉沒諸苦  
若能歸命地藏者  
趣於三惡甚可畏

亦當歸命於地藏  
若修持戒及念定  
皆當歸命於地藏  
欲得如是諸功德  
皆當歸命於地藏  
一切藥穀諸福田

能度諸禪至彼岸  
其智廣大如虛空  
皆悉能滅黑闇聚  
徧觀佛國修諸定  
皆悉得離煩惱熱  
常處刀兵疾疫劫

三

彼善男子能救脫  
常爲苦惱之所逼  
常令苦惱悉消滅  
互相殘賊起鬪諍  
令彼鬪諍皆悉忍  
所求不得常苦惱

一切皆得除怖畏  
欲得多聞智慧者  
隨心所願悉滿足  
及以工巧善種子  
令彼所願悉滿足  
乃至欲求男女等

皆當歸命於地藏  
若欲修行諸功德  
藥穀滋茂而潤澤  
結業煩惱所覆障  
皆當歸命於地藏  
能以正法示衆生

令彼所願悉滿足  
一切所有依大地  
亦因地藏得增長  
造作十惡諸不善  
悉除結使重罪惡  
作種種形隨應說

具修布施諸功德  
假使滿足於百劫  
是名功德之大藏

欲救衆生起大悲  
不可分別其功德  
一切皆當供養之

佛說大方廣十輪經發問本業斷結品第三  
介時地藏菩薩摩訶薩從座而起整其衣服  
長跪叉手右膝著地合掌向佛白言世尊如  
我今者欲發少問惟願聽許時爲解說佛言  
汝是真善丈夫爲欲顯示一切衆生無礙智  
慧亦令他人作大丈夫若有所問隨汝意答  
勿生疑難如來今日當爲解說令汝歡喜介  
時地藏菩薩以偈問曰  
曾於十三劫 修行佛福田 饑饉與疾疫

悉為衆生滅 為億諸佛等 造不思議供

今見大會集 清淨衆俱來 聰哲勤精進

皆來至此會 一時而雲集 無有諸濁惡

濁世多譏嫌 作惡損淨行 云何不善識

擾亂毀威儀 皆與惡逆俱 誹謗於正法

毀咎諸賢聖 妄著於斷常 造作十惡業

不畏後世苦 破壞三乘法 諂曲趣惡道

無明蔽其目 貪嫉多姦偽 云何轉法輪

解脫諸諂曲 煩惱金剛俱 云何得斷離

云何為摠持 忍辱能柔和 此集未曾有

今我值世將 諸處未曾見 如是之大衆

具足頭陀行 久修菩提道 云何於此處

成佛轉法輪

尔時佛告地藏菩薩言善哉善哉善男子汝於過去恒河沙佛所已問此義如是之法汝亦曾聞具智慧行功德滿足以方便力度於彼岸汝為成就諸餘衆生安樂利益故亦欲令一切菩薩摩訶薩衆滿足一切方便伏藏

為具六波羅蜜欲滿一切智海為迴諸帝王

使不墮惡道欲令十方世界三寶熾盛正法

久任以是義故問於如來善男子汝今諦聽

諦聽當為汝說地藏菩薩白佛言唯然世尊

願樂欲聞佛言此是如來過去本誓願力成

就十輪如此國土有五濁惡世一切淨法皆

悉損滅離聖七財遠諸智人為斷常網之所

覆障載惡道車不畏後世常處無明黑闇之

中具行十惡能造五逆誹謗正法毀咎賢聖

遠離一切諸善功德成就惡法能於如是多

惡世界悉令安隱得無所畏成就先聖最勝

之法能轉法輪制諸怨敵皆悉降伏摧滅煩

惱猶如金剛令諸衆生安住三乘阿鞞跋致

地善男子譬如有人遠離功德世界國土或

自境內而有軍起或為鄰國外來強兵之所

殘害憂愁惱亂種種聞諱及諸諂偽欺誑妄

語有種種病愚闇所蔽目視不了為童子鬼

魑魅所持阿鉢摩羅之所惑著身體乾枯狂



亂失心諸根醜陋手足不具常乏財產無有  
福祿不爲一切之所喜樂多歸異道起諸邪  
見心意顛倒趣三惡道如是國土多諸耆舊  
以爲輔相臣佐吏民爵祿有序而與同好不  
相侵害如是建國則有無量種種明制調伏  
人民施戒慈忍威儀具足難行苦行一切備  
滿以如是福德因緣衆生諸根皆悉具足身  
體長大威嚴熾盛相好端嚴常爲一切尊重  
恭敬皆共親友仁性寬慈聰敏多智若有尊  
長及諸王子備此德者以諸香湯調和冷暖  
用以洒浴著鮮淨衣其光如寶頂上復有如  
是寶珠真金華鬘首繫素縵種種華鬘金銀  
真珠以爲璫環雜寶珠網而作臂指種種環  
釧如是等寶莊嚴其身先所奉事天及諸仙  
一切帝釋悉皆聽許敷置高座如前父王登  
尊位時昇如是座紹王位已一切龍帝天帝  
阿脩羅帝鳩槃荼帝是前父王所有鐘鼓今  
受位時亦擊此鼓如是音聲徧滿城邑一切

剎利婆羅門毗舍首陀澡浴身體著鮮淨衣  
種種諸寶縵蓋幢幡金銀摩尼真珠珊瑚琉  
璃珂貝一切珍寶以新立王見有如是吉祥  
等相故種種獻奉亦時新王紹灌頂位先王  
所置宿舊先臣隨其所能各爲職司若已國  
內自有軍興及以鄰國起諸兵衆隨有怨敵  
悉皆殄滅守護己國無諸毀損增善眷屬更  
相親友善男子若能如是名爲初輪灌頂王  
位於其國土得安樂住初伏怨敵壽命長遠  
守護身命如是如是善男子若人處於五濁  
諸惡世界遠離於佛是故此中一切衆生心  
多瞋恚更相侵逼一切人民皆悉愁惱愚闇  
六  
疑冥起於斷常種種鬪訟貪嫉諂僞作諸欺  
誑悉具十惡取著衆生惱亂人民種種煩惱  
及諸過患是故遠離甚深法眼爲瞋恚病之  
所擾害心常遠離棄真捨實一切法味意想  
散亂譏訶善法樂所愛味常爲煩惱及諸邪  
見惑網所覆歸依六師傷敗聖道趣向三惡

有諸菩薩摩訶薩已曾親覲供養過去無量諸佛能度一切智慧大海安住諸佛所行之道皆悉集會到於我所汝以修集種種布施善能調伏成就苦行遠離諸惡又修諸佛難行苦行常念智慧方便福德大慈大悲莊嚴瓔珞廣大伏藏一切禪定摠持忍辱諸地大海皆已具足不生諂誑幻偽之心身相柔和滿足忍辱而常善順以自莊嚴皆悉近於一切智海其色盛妙光明具足能為一切聲聞辟支佛作大導師亦與一切生死怖畏眾生為作安慰即是拘樓孫佛拘那含牟尼佛迦葉佛如是等如來之子於賢劫中最高為上首

以禪定智水而自洒浴著慚愧衣是最勝大仙所行之處亦是解脫功德華鬘亦名一切種智無生真實而自莊嚴是二善行能為三界作密雲蓋已於過去一切佛土善得安住處於金剛三昧之座亦於過去去聲聞辟支佛所安置尊座四念處座亦是先佛所安置座

吊二

七

於一切智慧渚住於菩提能轉法輪紹三寶種令使不絕擊於法鼓出大音聲徧滿三界以此法聲使諸天人阿脩羅迦樓羅緊那羅摩睺羅伽人非人等鳩槃荼富單那迦吒富單那餓鬼毗舍闍皆以四聖諦寂滅之相而自莊嚴三轉十二行法輪昔所未轉如今轉之一切沙門婆羅門若天若魔若梵皆不能轉為欲饒益安樂一切諸天人故善男子是名轉於初輪若今世後世是處非處如實而知到於安隱無畏之處一切怨敵自然降伏如實而知能轉梵輪處處現於五濁惡世諸弟子等正師子吼若作五逆罪業眾生成就十惡如是人等碎諸煩惱猶如金剛斷諸有漏令得解脫隨其所欲安置三乘住不退地善男子譬如有人初登王位受灌頂已觀察去來三世若干等種無量王事而以智慧觀察業因一切果報隨其性相而置爵位以此三業故令其國土增長安樂鄰國怨敵悉能摧

伏何等爲三如灌頂王利利爲護命故防備怨敵與他戰鬪經營王宮及諸國土一切俸祿人民產業是名灌頂大王成就第二輪鄰國怨敵不能侵害守護身命長壽安樂如是善男子如來始成佛道得無上智過去未來現在一切法眼亦如三世諸佛所得法眼故

修行正法爲欲觀察一切業報差別之相具深法眼分別業因能令善根一切熾盛長夜安隱悉使衆生成就種種無量之樂能使一切外道怨敵自然降伏何等爲三業坐禪誦經營理僧事云何爲禪禪有十種何等爲十第一知身知身六入知我我所知業因爲因

自在受生知種種愛無明黑闇知所親愛無有真實屬衆因緣欲苦相續流注不絕爲滅此等令悉除斷云何爲業流觀察一切三種業行是名業流生死無際愛因緣有是名煩惱流煩惱因緣故無明和合能生名色名色和合因緣故能生六入六入因緣故能生觸

觸因緣故能生受受因緣故能生後有後有因緣故能生生生因緣故能生老病死苦是名苦流如是三流皆從愛生何以故因無明業愛爲水潤爲欲枯涸此三流故樂觀無常名無常忍能觀無常苦空無我信一切法愚癡無智如幻如焰如水中月如夢空無相無願

寂滅無生空無諸相常觀五陰空無相無願隨順忍樂觀觀察出息入息繫念安般增數減數觀住觀滅并觀住滅還數有二種意與覺觀俱滅於覺觀取出息入息相滅數有二依止有出能除覺觀出息入息取其相貌觀住二種出息入息見其滅相心能住定滅有二

種盡除諸結深淨於見修出入息觀察五陰何以故此出入息名色盛陰亦名受想行識盛陰是名五盛陰種種不相應相復有五種非新非故非有非聚非言如是五種以此五陰觀三種業以此三業觀究竟盡復觀六處有我我所有業無明爲因愛爲濕潤究竟滅



盡以是觀察具四念處修習滿足四念處四正勤四如意足五根五力七覺分八聖道分乃至能滿十八不共法得無生忍及一切智具足首楞嚴三昧修出入息安般三昧滿足一切正法住處若能如是修諸禪定則是供養過去未來一切諸佛是名佛子從佛口生

吊二

九

從正法生有能如此善修禪者或是大士諸菩薩等或是漏盡辟支羅漢如所修習是名菩薩摩訶薩則能滿足十八不共法具一切智善男子是人不久當得阿耨多羅三藐三菩提亦是三世如來世尊甚深法眼滿足業行觀察果報安住衆生於十種禪如是善男子則能轉於如來所轉禪定法輪彼善男子云何修於如來誦習若有比丘比丘尼優婆塞優婆夷善男子有少信心微薄善根於世諦中善根未熟令彼衆生於初中後夜以時誦習修禪喜悅求無上智我於尔時安置大乘修習禪定讀誦受持種種供養自誦教人

誦自說教人說自供養教人供養自住大乘亦教人住大乘互相教化滅諸煩惱皆為得無上道利亦欲滅諸衆生無量等苦亦為得入無所畏處涅槃之城若有衆生樂求辟支佛者為說十二因緣法樂求聲聞者為說百千四種阿含及與無量阿毗曇等教令誦習修行善男子是名如來修誦習輪善男子若有鈍根衆生為欲發起善根因緣懈怠少智忘失正念貪著住處衣服飲食四事供養遠離一切諸善知識如此衆生教令勸化料理僧事及與佛法和上阿闍梨故是善男子則為安置如來勸化營事福處如是善男子如實知於修習業法善男子是名第二佛輪具足三業成熟衆生輪到於安隱無畏之處能師子吼轉梵法輪令諸外敵皆悉降伏如實能知衆生因報善男子譬如灌頂刹利王沙門婆羅門毗舍首陀誦善觀察誰有勇健種種技能多聞持戒善知分別有功德者方便



智慧能勤精進堅固不退種種福德而自莊嚴於是衆中作灌頂刹利王隨其相貌金銀珍寶倉庫穀帛及諸田宅奴婢僕使皆悉給與此國若有於衆生中能持戒者如此衆生亦給施之若有衆生不持戒者少於精進懈怠懶惰忘失正念無慈愍心亦無返復不畏

吊二

十

後世在欲淤泥如是灌頂刹利大王隨其事相謫罰安慰或以教令謫罰或以繫閉謫罰或以財物謫罰或復有奪種種產業或有罰其鞭杖或有截其支節或有斬其身首有如是等無量教授是名灌頂刹利大王第三輪也能令增益已之國土降伏一切諸惡怨敵守護身命令得長壽如是如是善男子若我聲聞弟子離於智慧方便福德及諸調伏忘失正念亂心放逸歸依於我我知體性隨其相貌而調伏之若有貢高難可調伏心不恭敬不堅持戒爲法久住而調伏之若起心念教令心悔又須言語而謫罰者驅令下意終

不與語亦於僧中謫罰令其禮拜訶詰嫌責不同僧利或在僧前四體投地自歸伏罪或時驅出不得共住我知衆生種種體性心所趣向能生信解爲利彼故除其黑闇乾竭駛流得涅槃樂爲欲調伏破戒衆生廣說諸經地獄等苦若有衆生能起信敬淨意方便隨

彼體相說諸善根爲具善故乃至令得到無畏城善男子是名第三輪也以如是輪隨彼衆生得種種解修行諸業悉具善本使得安隱到無畏處如彼賢聖轉佛法輪外道怨敵自然降伏能師子吼善男子譬如灌頂刹利大王於國人民有若干種邪歸邪見邪解邪出家或於吉相專修如此無量苦惱傷害衆生灌頂大王以先王舊法爲彼衆生令專修學斷除倒見先王舊善治國之法亦使修行灌頂刹利大王制法令諸衆生悉同一意俱共調伏同一希望同所樂欲與共歸趣皆令和合隨順先王舊國之法聽受語念皆共隨

吊二

十一

伏同奉國法介時利利大王常與國人同其飲食而共戲樂不相疑猜心相體信共行王法是名灌頂大王第四輪也以如是輪能令己國悉得增長并制怨敵皆悉降伏能保國土守護壽命善男子如來世尊見諸眾生有若干種邪歸邪見希樂邪業觀諸眾生以是因緣已於過去諸佛如來在大眾中數數開示佛法因果說六波羅蜜修行正道說佛法僧三寶聖種數數顯現一切業報示教利喜而將導之令諸邪見悉得解脫及與四眾亦皆解脫具修善行柔和調順遊戲四念處於諸解脫知見正道悉得快樂令法久住使三寶種終不斷絕乃至四正勤四如意足五根五力七覺分八聖道分一切禪定解脫知見悉得自在遊戲無礙如是善男子是名如來第四輪也如來成就如是輪故令諸眾生一切歸依皆修善業同其知見安隱快樂悉令住於無畏之地高勝大仙所證之處轉佛法

輪一切沙門婆羅門諸梵魔天所不能轉摧伏天魔一切外道於四眾中能師子吼善男子譬如灌頂大王能令己國及他人人民若自妻色心無厭足於他產業并諸妻色皆生貪著守護城郭禁諸雜物國土村邑及以王宮乃至戍邏皆悉遮制緻密堅固善男子是名第五灌頂大王禁制輪也時灌頂王如是成就輪已能令外諸怨敵皆悉降伏亦使己國常得增長救護身命善男子如來多陀阿伽度能令魔王波旬九十五種眾邪外道及諸無量一切眾生於已產業心無厭足乃至欲害我故以火坑毒飯推山欲壓放其醉象或拔利劍以如是等而逐於我或以塵穢而塗於佛或以姪欲而謗如來或言非人亦非丈夫如是誹謗毀訾而口惡罵於佛法僧為諸利養眾因緣故而生嫉妬誹謗聲聞如來世尊善守六根住四梵處教諸聲聞或以四念處或以四辯才為說聲聞三解脫門如是如來

若干種或以世間法及出世法能令一切  
實而知善男子是名如來第五輪也如來修  
如是輪以出世間智令他衆生種種歸依皆  
同產業共相知見安隱快樂任無所畏是諸  
高勝大仙居處轉佛法輪沙門婆羅門諸梵  
魔天所不能轉悉能摧伏一切天魔及諸外  
道於四衆中能師子吼

大方廣十輪經卷第二

吊二

戰慄下良吉反驚懼也驚懼也擊穀實主上音商毀下音此下音  
此作魘上音魅上音者上音舊上音吏上音民上音  
也職璫上音環上音還上音一上音日上音墜上音也也澡上音浴上音早上音珂上音貝上音何上音反

佛說大方廣十輪經卷第三

吊三

失譯今附北涼錄

灌頂喻品第四

善男子譬如灌頂刹利大王諸祕要法守護  
之事皆悉備已然後與諸宮人姝女而自圍  
遶遊戲五欲放逸自恣不攝六根肆情快樂

是名灌頂刹利大王第六輪也外諸怨敵悉  
皆降伏增益己國壽命長遠族姓子如來世  
尊及諸菩薩摩訶薩諸聲聞衆深自防護得  
無所畏尔時如來入於初禪第二第三乃至  
第四禪入於空處識處不用處非想非非想  
處悉入諸佛行處三昧尔時如來入三昧已

無量億那由他天龍夜叉乾闥婆阿脩羅迦  
樓羅緊那羅摩睺羅伽人非人等餓鬼毗舍  
闍富單那迦吒富單那鹿弊惡心其意很戾  
無有愍傷於諸衆生不起慈心言無後世而  
彼見我入一切佛行處三昧故得勝歡悅於  
諸三昧得最勝盛愛樂歡喜尊重恭敬得未  
曾有離一切惡心多悔過於一切種無量無  
數業障煩惱障法障於一刹那頃悉能滅盡  
功德智慧皆得具足背離生死趣向涅槃一  
切皆悉護持佛法是名如來第六輪也如來  
成就如是輪故禪定解脫三摩跋提斷衆生  
結以是智慧滅諸煩惱到安隱處得無所畏